



KEMENTERIAN SUMBER MANUSIA

“KERATAN AKHBAR KESUMA”

RABU
29 Oktober 2025



Akhbar	Kosmo!
Tarikh	29 Oktober 2025
Ruang	Negara
Muka Surat	6

Penginapan pekerja selamat teras produktiviti berkualiti

GEORGE TOWN – Kebajikan dan hak pekerja akan terus dipelihara melalui penyediaan kemudahan tempat tinggal yang selamat, bersih dan bermaruah selaras dengan piawaian antarabangsa.

Menteri Sumber Manusia, Steven Sim Chee Keong berkata, Akta Standard Minimum Perumahan, Penginapan dan Kemudahan Pekerja 1990 (Akta 446) dikuatkuasakan yang menterjemahkan komitmen kerajaan berhubung isu tersebut.

Katanya, apa yang penting ialah menjamin hak asasi manusia.

"Kehidupan yang selesa dan bermaruah adalah asas kepada kesejahteraan serta produktiviti tenaga kerja.

"Pindaan Akta 446 yang telah dilakukan bertujuan memperluas liputan undang-undang



ZAIRIL (depan, dua dari kanan) bergambar bersama para perwakilan ketika hadir mewakili Steven pada ALIC di George Town semalam. – SAFINA RAMLI

daripada hanya melibatkan perladangan dan perlombongan kepada semua sektor serta majikan yang menyediakan penginapan pekerja," katanya.

Teks ucapan beliau dibacakan oleh Exco Infrastruktur, Pengangkutan dan Digital Negeri Pulau Pinang, Zairil Khir Johari ketika merasmikan Persidangan

Pemeriksaan Buruh ASEAN ke-14 (ALIC) di sini semalam.

Persidangan anjuran Kementerian Sumber Manusia melalui Jabatan Tenaga Kerja Semenanjung

Malaysia itu turut menghimpunkan wakil pemeriksa buruh dari negara-negara ASEAN bersama pertubuhan antarabangsa.

ALIC ke-14 itu menjadi platform penting untuk membincangkan dasar, piawaian dan pelaksanaan pemeriksaan penginapan pekerja bagi melindungi hak tenaga kerja serta memperkukuh kesejahteraan sosial di seluruh rantau ASEAN.

Steven berkata, penganjuran ALIC mencerminkan komitmen berterusan Malaysia dalam memperkukuh sistem pemeriksaan buruh di rantau ini.

"Langkah ini memperlihatkan ketegasan kerajaan dalam memastikan setiap pekerja tanpa mengira sektor menikmati penginapan yang selamat, selesa dan bermaruah," katanya.